

光緒重修安徽通志

重修安徽通志卷二百六十一

人物志

方技一

論語曰志於道據於德依於仁游於藝禮曰藝成而下輕重較然矣黃帝周公製指南車已在泰西機器之前西術算法又中土所舊有火輪妙悟實我靈素熱則生風一言無足異也自史遷傳日者龜筮范書傳方術蓋欲闕補時事而占算醫卜雜藝託原周易焉隋晉書標藝術舊新唐書始稱方技宋元明史因之方志遂并書畫琴碁墨硯之匠雕鏤之工悉收方技之中今沿舊文稍稍附益亦

盛世片長必錄廣厲人材意云述人物志方技傳

安慶府

晉韓友字景先廬江舒人受易於會稽伍振善占卜能圖宅相
冢亦行京費厭勝之術神效甚多消殃轉禍無不皆驗于寶問
其故友曰筮卜用五行相生殺如按方投藥治病以冷熱相就
其差與不差不可必也友以元康五年舉賢良元帝渡江以爲

廣武將軍永嘉末卒

晉書本傳
入廬州府

舊志
新移

明何公冕潛山人遇異人授符籙習之能呼風雨役鬼神會歲
旱郡守呼令祈雨公冕對役笑曰吾非汝可呼者但汝往來烈
日良苦吾書符汝手令握固馳府卽有片雲覆頭上役至守怒
術士不來役告以故令開掌則雷電交作莫不驚懼守躬往迎
之公冕曰上帝封雨部當暫取揚子江水解熱澤及五十里耳
移時大雨如注雜魚鰕齊下

江南
通志

王文正桐城人年七歲得道誓依科法試之忽有神至問見召

何事文正倉卒指庭樹曰爲我移植門外頃刻樹移自是能役鬼神呼風雨後禱雨皖城有道人亦禱於池口文正招雲過皖道人曰皖有異人禳席渡江訪之文正浮磨以迎諮論竟日臨別道人以三指拊文正背少頃背痛有三銅釘入骨文正用糞自覆圍火以煉戒家人曰七日勿啟可活至五日家人啟視釘已出三寸許文正嘆曰命數乃爾遂死

安慶府志

史仲宏桐城人少習形家言遇異人以青烏祕訣授之遂臻其妙曾卜拔子山陡嶺一穴法當大貴於除夜行衢巷暗聽之有機杼聲讀書聲嬰兒聲者卽授之惟方得益泉兼此卽以畀之而爲之卜三峰山葬三十年科甲蟬聯不絕

江南通志
安慶府志

張達泉懷甯人精醫得異授顏銓部渾爲兒時出痘已死達泉視之曰未死也急掘地作坑置兒其中取新水數桶用紙蘸之

重貼身上少頃有細煙起兒微動蓬泉喜曰生矣復水沃之氣

蓬蓬上蒸大啼數聲卽取起再進以藥不數日愈

江南通志

方政字以仁望江人以醫著名景泰間召入太醫院

望江縣志

周公穆桐城人幼見其父與人弈不勝心怏怏乃畫紙爲局張臥榻上仰而思之忽請於父曰幸呼前弈者來兒當勝之父以爲謾也姑試之果連勝弈者曰是兒他日當爲國手後果以絕技名公穆修潔淡漠雖日與貴者遊不干以私非僅藝士也後有齊子山者從吳瑞徵學弈一年盡其術公卿皆重之

江南通志

慶府志

江鉞字淡然望江人工書邑之祠廟扁額多出其手識者謂不

減張瑞圖

望江縣志

國朝陳延字遐伯潛山人幼多慧凡技之善者見卽摹倣酷肖尤

精篆刻延折右手一切書畫皆用左腕與蕭雲從稱畫苑二妙

著有孤竹詩集

江南通志

陳文楓字宸甫懷甯人工醫決死生百不一失尤精於傷寒能

窺仲景之奧

安慶府志

李嘉應字元長望江人以醫濟人口不言謝康熙時選入太醫院升吏目同邑劉長啟世業醫尤善治痘捐金施藥人多德之

望江縣志

嚴宮方字則菴桐城人徧窺方書營衛虛實辨析微茫尤善治

奇病多人所不解者

江南通志

李憲字長康桐城人脫略不羈弱冠棄舉業攻唐人詩書法二王出入於唐宋元明自成一家畫品平淡高遠歷遊名山所學

益進人以爲追蹤荆關云

安慶府志

楊壽字嘉玉桐城人兄森博極羣書名公鉅卿交辟之壽學行

精通尤邃醫理活人無算與嚴宮方齊名

江甯題志

吳龍字善疆望江人幼攻舉業棄去究心岐黃不言謝不市德

兼善水墨有索之者先飲酒數甌則山水花卉意到筆隨雖專

門名家爲之讓步

望江縣志

胡澍字雨山懷甯歲貢工畫山水善長嘯聲如鸞鳳人以爲不

減蘇門云子大美字粹然亦歲貢能文章以畫世其家同時何

龍字禹門山水清峭簡古與澍齊名

懷甯縣志

方駿桐城人善岐黃其治病嘗有未投藥一診而愈者病者聞

鬼言避其正直云

桐城縣志

王增字顯如能書頗得董文敏意每爲人作書忽投筆大慟問

之則曰吾偶憶吾母性嗜酒人以酒誘之則書否則投以金錢

不屑也

樞甯縣志

嚴顥桐城諸生祖大鵬輯十三科參互對勘世服其精當顥世其業著有雜證一貫女科心會虛損元機非風條辯諸書

桐城縣志

舊志以上

葛啟俊字中谷懷甯人安貧力學鈔纂六經四書典義居父母喪泣血盲一目學醫察色知病處方輒效善六壬占甚驗

樞甯縣志

新修以下

葉寔字松亭桐城人篤志力學凡天文地理算數無不得其精蘊著有渾天恆星赤道全圖天元一術圖說數理闡微句股論

桐城縣志

柳周南潛山人善鍼法有婦人腹蠱垂死周南診曰此蛇瘵也

鍼之產蛇長尺許而愈

潛山縣志

徽州府

南唐汪少微歙州人善作硯嘗於吳順義元年謨歙硯銘云松操凝烟楮英鋪雪毫穎如飛人閒四絕至元宗精意翰墨郡守

薦之擢硯官

十國春秋本傳

李廷珪易水人本姓奚父超唐末渡江遷居歙州工造墨廷珪傳其業李後主賜姓李有誤遺一丸於池中既踰月偶墮金器

令善泅者取之並得墨其光不變自是多知寶藏云自李氏外

善造墨者又有耿文政耿文壽盛通盛真諸人

輟耕錄十國春秋本傳

朱逢歙州人韓熙載命之造墨名其所曰化松堂墨曰元中子

又名麝香月寶而藏之

南唐拾遺志

宋潘谷歙縣人造墨精妙或不持錢求墨不計多少與之一日忽取墨券焚之飲酒三日發狂浪走趨井死人下視之跌坐井

中手持念珠云蘇子瞻嘗作詩贈之

徽州府志

張擴字子克歙縣人精醫能以太素知人貴賤禍福南陵有富人子傷寒氣息僅存不省人事擴曰此嗜臥證也後三日當蘇

蘇當欲飲飲則與此藥必熟睡覺當得汗而愈已而果然

江南通志

程惟象婺源人以占算遊京師言人貴賤禍福如神英宗在潛邸時惟象預言其兆既貴得賜書王安石梅堯臣皆有詩贈之

江南通志

董元善婺源人精卜筮于平諸術嘗決程泌必過兩府乃未過府而卒或戲其語不驗元善奮然曰雖死亦當過府果累贈端明殿學士得執政恩例

徽州府志

張果歙縣人有醫說十卷行世凡分二十七門祕方奧旨靡不

備述

四庫全書提要

游克敬婺源人精形家言謂狐首經爲地理之祖爲之箋釋族孫朝宗字元禮得其傳明永樂初應詔卜天壽山陵優賜還山

徽州府志

江嘉字明遠婺源人邑大疫縣令李子思夢神告曰吾避江君病者愈矣理宗不豫召至進藥遂安欲官之不受初有取鸛巢二卵者嘉買之歸於巢已微傷矣已而雛生鸛銜一草置藥局嘉見其紅藤纏繞根葉俱潤乃栽之及實祐閒有公主得漏胎疾嘉以藤和劑進而愈

江南通志

吳源休甯人以薦至翰林醫官治疾奇中

江南通志

程約字孟博婺源人精鍼法太守韓瑗疾同邑馬荀仲鍼其右脇半入而鍼折荀仲失色曰非孟博不可約至鍼其左脇而右脇折鍼出遂愈馬荀仲亦名醫辛棄疾嘗贈之詞又程汝清者

著醫方圖說

徽州府志

元范天錫字壽朋休甯人診脈決死生爲郡邑最又徐存誠者

祁門人善醫蓄藥救人

江南通志

戴仲德績溪人善畫嘗寫馬於驛旁古壁馬見之皆辟易同邑

程政善畫人物山水花草翎毛

徽州府志

鮑同仁歙縣人曾官會昌同知善鍼砭有通元指要二賦注及

經驗鍼法

徽州府志

明汪梧婺源人精太素脈斷人休咎無爽

徽州府志

江仕從婺源人永樂中應詔卜天壽山陵與游朝宗同受褒賞

徽州府志

程璉歙縣人診脈知富貴貧賤壽夭所著有太素脈訣經驗考

同邑陸彥功成化中召入太醫院治中宮疾卽愈賜冠帶所著

有傷寒便覽

徽州府志

汪機祁門諸生因母病究心於醫後乃無不奇中所著有石山

醫案醫學原理本草會編素問鈔脈訣刊誤外科理例痘治理

辨鍼灸問對傷寒選錄運氣易覽等書人稱石山先生

江南通志

州府志

黃古潭黟縣人少業儒家貧棄而學醫師事祁門汪機治病每

有超見如脇痛皮膚紅腫醫用瀉肝舒鬱之劑不效黃以瓜蒌

一枚治之即愈如婦人鬱結經閉諸醫皆云有孕黃治以補肺

瀉肝之劑而愈此二條其門人休甯孫一奎所述即著赤水元

珠醫旨緒餘之生生子也

黟縣志

汪副護字天相休甯人祖東垣老人專以培養元氣爲主因自

號培元著有試效集成等書性喜施予出賣藥金建亭通衢以

憩行者

江南通志

程玠字文玉歙縣人成化甲辰進士嘗出遊遇喪車見有血從棺中出以指染而嗅之叱曰止眾駭曰棺中人未死也其家謂玠疑有冤泣告曰此吾婦不幸朝暝君無疑玠笑曰非汝所知也其家從其言止櫬啟棺玠以鍼刺胸婦忽能言家人悲喜觀者歎聲如沸又能造木牛流馬築室夜戶不閉盜不能入臨殯盡毀其書曰此恐誤人邱文莊濬爲之行狀稱爲一代異人所著惟大定數太素脈訣松崖醫徑行世

徽州府志

江時途字正甫婺源人初善病徧閱方書得遇異人談方術自是通悟名著郡邑著有醫學原理三十卷丹谿發明五卷爭傳

誦焉

徽州府志

饒進祁門人診人生死無不驗嘗遇一無疾者戲令之診驚曰

明日當死次日向午攘袂而來曰汝何術乃妄語進曰據法不爽其人恚恨去未抵家死於虎同邑汪宦陳嘉謨皆精醫陳有本草蒙詮汪有醫學質疑皆行於世又有徐春甫者幼師汪宦著有古今醫統醫學捷徑官太醫院

江南通志
徽州府志

程宗默黟縣人嘉靖初讀書天尊觀晤羽士從入終南後十年遺歸與書一卷下山視其書皆方藥宗默摘其中害物命者棄之病痼請治者著手卽愈

黟縣志

王璵祁門人不泥古方嘉靖閒皇子病劇諸醫不效有薦璵者

一服而愈立授太醫院

徽州府志

游暹婺源人精青烏術婺源縣治公署皆其所定同邑汪朝邦工醫著有方書集說尤精形家言得吉穴葬親自云葬後當有顯者越一紀孫尚誼生曰此子應三品秩但算促耳後成進士

官按察使早卒

徽州府志

葉瓊婺源人龍尾硯自元兵亂後硯材難得瓊巧悟天授數得

異材於殘石堆中製作精妙

徽州府志

方音字舜和歙縣人喜禁方嘗買江淮見一書生名孫一松困
幾死音解囊贈之後遇諸越邀至家酬以金不受乃出祕方授
之音術自是入神

徽州府志

吳文獻字三石婺源人邑諸生殫精百家醫學及素問等書著
有三石醫教藥性標本

徽州府志

吳楚休甯人善草書製墨得李廷珪法文徵明嘗記其墨法爲

神品

徽州府志

邵龍字雲窩休甯人工山水人物得唐宋名人法同邑陳有寓

善畫仙姬山水而雲烟尤爲絕技又程達歙縣人人物山水能

盡六法

徽州府志

洪玥歙縣人幼孤家貧拾薪養母初習舉業後以母病習醫尤

長外科多起奇證著有外科祕要

徽州府志

丁雲鵬字南羽休甯人家自宋世業醫至父瓊術尤奇妙兼工

書畫雲鵬盡得其傳遂以畫名海內人以此李龍眠尤精佛像

得其片紙珍爲奇玩

江南舊志兼採汪道昆所立傳

汪龍字潛夫休甯人少時父客死母告之狀時時號泣目遂盲

年十五遇異人以下筮投之時倭患起督府聘至軍中每出兵

剋時日勝敗多奇中尙書顧可學以名上聞命趣入朝不肯應

徽州府志

李赤壯黟縣人得異術張其肚皮可蒸餅炙酒誥其故舊曰五

行人所自有不必取之於外後不知所終

徽州府志

汪肇字德初休甯人善畫翎毛自謂其筆意飄飄若海雲自號曰海雲當事欲見之輒不往及遇山人墨客則欣然揮毫有脅力能持矛舞劍遇酒以鼻飲嘗誤附賊舟賊不敢害以酒進之肇乃爲象飲以自豪遂得脫

江南舊志
徽州府志

劉然字季然歙縣人善行楷書同邑楊明時字不棄工詩辭書畫又有方元煥者善書名噪一時吳羽者善寫佛像山水花鳥

氣韻生動

江南通志
徽州府志

胡慶龍婺源人工醫於內經素問諸方書盡扶其祕尤精於色脈卜人休咎往往妙中北遊遼薊適朝餅告急以醫濟隨征將士屢奏奇效總督欲授以官不受

徽州府志

詹希賢休甯人善篆隸諸體著書筌極論書法四方多師之曾

官江西檢校子萬里亦善書

徽州府志

何震號雪漁休甯人工金石篆刻海內圖書出其手者爭傳寶
之生平不刻佳石及錯人氏號故至今流傳者尙不乏云

印人傳

徽州府志

王寅歙縣人工書嘗遊甯國府園亭池館多其榜額

甯國府志
舊志甯

國府流寓

新移

汪都字瀛海婺源人曾官吏目工書畫文詞而畫尤爲絕技晚
年以雙筯代筆山水人物點染頗佳所著有擬古詩早朝詩銅

錢賦

徽州府志

潘巒字碧井婺源人經緯象數及書畫皆規其奧尤精於音律
嘗受知荆益諸王聘爲紀善考古樂章製器取徒按歌舞頌臻
其妙所著有禮樂志八家行草君臣圖鑑切韻指南子中孚中

邦能世其藝

徽州府志

程大中字時卿祁門人工醫及日者術往來池州得異人祕授後至湖廣賣卜決人生死問者如市李方伯淑延與語奇之時尙憂無子大中曰公當得佳兒請如夫人輩吾視之誰爲貴人母者方伯出諸姬見之曰皆非也一婢侍側大中睨視呼而診之曰兒貴必矣方伯納之果生維楨後維楨貴凡事有疑難者決於大中所著有太素脈要二卷

徽州府志

汪徽婺源人詩極壯麗畫山水及書八分俱精妙尤工秦漢圖

章人稱四絕

徽州府志

俞可進字于漸婺源人摹鍾王書法酷肖董其昌陳繼儒得其所書黃庭心經稱爲絕品

徽州府志

汪繼昌字伯期婺源人工醫尤於治痘有異傳有痘科祕訣行

世徽州府志

吳高節字希夷休甯人小楷行書神似趙吳興與停雲館所摹

趙帖如出一手

徽州府志

程衷素字阿白休甯人臨池一筆不苟下能爲歐虞顏柳諸體

金太史聲爲之立傳

徽州府志

胡皋字公邁婺源人工書畫及詩歌古文辭遨遊京師三十餘

年性俠烈欲立功邊陲嘗馳驛宣大甯固諸邊天啟中以技能

詔副將軍趙佑宣撫朝鮮得其字畫詩文如獲異寶既復命將

大用而皋以魏璫方肆虐遂辭歸

徽州府志

朱雲成徽州人居六安衣衫藍襖人與之言行家卽精形家言

言日者卽精日家言人莫能測酒後發狂哭笑亂語其後輒驗

郝進士謁選問之雲成誦曰得仙人之舊館及官新建署內有

亭曰仙人舊館郝尊生少穎異雲成愛之每見必哭曰水仙子

郝竟覆舟彭蠡死崇禎壬午賊圍城令卜之哭曰我在數中後

城陷屠戮殆盡雲成遇害

江南通志入六安州

舊志新移

李永昌休甯人善書畫董其昌甚重之同邑洪墨卿善書徑丈

大字

徽州府志

徐有道婺源人善畫鷹鵠之於堂能驚鳥雀

江南通志

胡田祁門人善鍼灸爲太醫院御醫

江南通志

王守誠字心堂徽州人精醫術仁而有品寓居全椒遂家焉起

人沈疴口不言功

全椒縣志

舊志新移

江用卿字君輔婺源人工棋足跡徧天下無能與敵

徽州府志

汪時鵠祁門人精醫學傾產施藥救濟甚多

祁門縣志新増

胡朝禮黟縣人善相地有女傳其學嫁汪辛歿先世多未葬

胡氏歷覽山川獲葬地並建祖祠鑿池所渠消納如法嘉靖中

汪氏丁口數千代有通顯辛之先有曰進者精醫江西疫作藥飲之輒愈又刻其方傳之所活益眾修德獲報理或然也同村戴姓者亦善相地卜遷於太平縣之戴家灣今成著姓縣志新刊國朝詹方桂字天木歙縣人精書畫凡天文風角六壬馭甲星醫諸術悉通曉時四方猶未靖避居松蘿山著有四家小品行世

徽州府志

蘇亦瞻休甯人年十六善弈稱國手著弈數四卷徽州府志

胡曰從徽州人客遊六安霍山以醫爲業貫穿五經著有尙書

孝經講義醫書數種及蘭竹譜六安州志 舊志六

安州流寓

新移

許生值字逢吉祁門人父文圻殉節時生值年僅十一後遂不求聞達惟作畫以自娛松石尤妙亦以見節概也弟生倬工詩善書不仕著有晴江稿祁門縣志

汪昂字詵菴休甯人明諸生順治元年昂年三十二罷制舉專
意醫學輯本草備要醫方集解二書相資爲用理法全宗古人
體裁實爲創製康熙三十一年昂年八十始序而刊行其後胡
孝峰以二書合刻乾隆四十三年長沙吳世芳又刻之流傳至
今本書序
新增

程敬通歙縣人一診能決人生死並定其歲月無毫髮爽同邑
余士冕其父幼白工醫所輯有蒼生司命士冕世其業補訂未
備名曰諸證析疑徽州府志

僧漸江俗姓江氏名舫歙縣人事母孝通五經入闕游武夷遂
爲僧書法顏魯公畫法倪雲林兼工諸家筆意徽州府志

汪之瑞休甯人工書畫得古人神髓有王湛若者得其傳擅名

揚州徽州府志

黃楷黟縣人工漢唐隸法與鄭谷口齊名

黟縣志

汪濤字山來小字夢龍休甯人工正草篆隸一字方丈徑寸千言鐵筆之妙包羅百家少至楚中貿易偶至一寺見衣冠者十數輩以沙聚地成字徑丈曰岳陽樓濤笑曰是可以墨書也眾驚愕白之郡守延入署煮墨一缸濤以碎布醮墨書於扇上頃刻而成盡嗟賞不置遂用之

徽州府志

詹天寵字君錫婺源人精曉陰陽星緯術數之書尤工書法嘗做朱子墨蹟見者驚嘆其神又善畫花卉無有出其右者

徽州府志

程國瑞黟縣人工醫術康熙五十五年入太醫院供奉授御醫

黟縣志

官首領

余正宗休甯人隱於醫殫精天人性命之旨嘗製參附金石之

餌以雜藥不令人知活人無算

徽州府志

程遠字穆倩歙縣人精秦漢篆法居金陵天下士大夫爭得一紙以爲寶與何雪漁齊名同時休甯劉衡卿亦以篆刻擅名人

傳
州府志

汪國字將南祁門諸生工楷法尤親王以賓禮延之教書賜有

晉賢風度印

祁門縣志

鄭瑚祁門人精素問方脈與人診疾投藥立效著有扶嬰錄二

卷

祁門縣志

程九圭休甯人以六壬占人休咎如響嘗自占一數詫曰是大凶兆因語其弟曰四月中我當傷額汝以五月死於水至四月屏居不出一日過檐下有雀噪於上瓦墮傷額大駭戒其弟五月不使出戶至六月初弟以爲無事出飲於肆忽大雷雨山水瀑漲九圭心動急使人迎之已溺於溝中矣蓋時尙未小暑也

徽州府志

汪志曾字養可婺源人善詩兼百家眾技篆刻奇古與汪徽並稱又能以筋代筆作山水不讓汪都尤工畫竹有得其長幅懸堂上者燕雀爭來棲紙爲撞碎真神品也

徽州府志

程伯益字長裕休甯人精幼科童子受病淺深一劑奏功卒年

九十餘

徽州府志

史某者黟縣人善鍼灸之術不受一錢貧竄求療者日百數有延之者須以大廈居之以爲男婦就療之所有山左人病鶴膝幾就木矣求史鍼之史謂之曰是未能猝愈其人願隨之自揚州渡江歷姑蘇至吳興凡百餘日蹶然而起

徽州府志

徐起字仙客歙縣人精六書工摹印

江南通志

巴慰祖字雋堂歙縣人候補中書嗜學好古精覈金石文字收

藏既多遂通其藝書畫擅一時

歙縣志

江玉宇堅甫歙縣副貢官溧水教諭工畫長於花卉

歙縣志

周城績溪庠生正直寡言善岐黃治病百不失一

績溪縣志

余香黟縣人少穎悟業石工製石簫石篴皆中律上鑄書畫並

有家法人稱絕技

黟縣志

韓澗字愚村黟縣人官兵馬司吏目嗜書畫能以指繪山水花

卉兼句摹古法帖惟肖

黟縣志

舒元達黟縣人書法得聖教序及懷素筆意老更入神同邑吳

茂附貢生吳震增生韓夢桂俱工書得董文敏筆意流傳片紙

人爭重之

黟縣志

方鼎欵縣人家於合肥能治異疾屢試輒效貧不能具藥者施

與無倦廬人稱名醫必曰前有李恆後有方鼎

廬州府志
廬州府志
舊

重修安徽通志

卷三百六十一

人物志

方技

古

徽州府

新移

汪林芾字萼輝黟縣監生性耽詩畫所居有宋人壘石頗極奇

險林芾於其中焚香浣筆未嘗一與外事畫有自然生趣

黟縣志

汪純粹黟縣人善醫著有傷寒論編孝慈備覽遊秦醫案

黟縣志

以上
舊志

羅聘字兩峰歙縣人僑居揚州從金冬心學畫入高格重甯寺

畫壁爲聘手筆王昶稱其畫羅漢足與陳洪綬崔丹頡頏又有

鬼趣圖題詠者甚多詩亦超然物外自號花之寺僧妻號白蓮

亦能詩

吳錫麒撰墓誌銘以下新修

孫廷冕字冠賢黟縣附生工書畫仿漢迄元時印章畢肖有止

石山房印譜三江詩集又文生汪偉行草古雅王澤溥楷書工

妙何元士篆刻精勁

黟縣志

王大善字元長歙縣監生精算學凡數過百億人多苦茫昧大善不持籌但屈指唱曰若干算持籌者必往復詳核始應曰如若言大善之算蓋由天授云

程恩澤道集

鄭復光字澣香歙縣監生以明算知名海內凡天元四元中西各術無不窮究入微程恩澤與有修復古儀器之約著有鏡鏡論癡等書尤篤風義其師吳鎔與妻妾俱歿於京邸無嗣復光醵資葬於石榴莊歙義園

程恩澤道集

程建勳字君望黟縣諸生善畫通醫尤精痘疹時稱天花聖手嘗輯痘書自敘其意以察色驗氣爲主弟建極之子陟洲受其傳陟洲之孫式玉式莊曾孫鴻業並以醫名鴻業治痘疹尤效兼通易數壬式書畫摹印造泰西機器式莊於咸豐十一年殉

難

黟縣志

胡用中歙縣人能於桃核上刻人物小如黍豆而栩栩欲活嘗

製渾天球徑尺度數時刻秒忽不差

歙縣志

饒堽字福堂歙縣人八世業醫至堽尤精著傷寒訣傷寒變論

同里鮑集成字允大善療金瘡著瘡瘍經驗十二卷

歙縣志

汪世培字亦莊休甯人善醫尤精喉科道光甲午池州喉疫醫

禱俱窮世培觸手卽效

休甯縣志

汪啟時汪元本俱婺源人並以醫名施藥濟世沈疴立起啟時

不著書元本著有醫學心傳痘科辨論

婺源縣志

胡新楫字桂爲黟縣人府學生受父維邁醫學年十五時祁門

方氏兒病劇維邁使新楫往治詢知飲酸傷筋治以薑汁立愈

自是行醫六十餘年及老病避入林歷山求診者踵接乃喟然

還家子佩丹與周俱以醫名

黟縣志

汪荃字香谷黟縣人世業醫至荃尤精嘗治三歲羸女取久白
貓矢炙研無灰酒灌之愈常州名醫法冠卿治水腫不驗以方
來告荃曰方佳少活蝦蟆作引耳如法果瘳生平謹慎日所治
病夜必檢書辨同異慮有謬誤子濟舟從弟藝書從子松谷均
傳其業黟之名醫有王遠音吳百祥李體仁葉次山胡朝瑚江
湘嶼葉夫堂程際唐孫凌滄汪大鏞胡學本又諸生蘇熙載字
禹功善醫有行誼咸豐癸亥遇賊不屈死

黟縣志

胡潤川績溪人三世業醫潤川尤精遇貧者送診給藥著有醫
學錦囊傷寒辨微女科臨證指南同縣周漢雲字天章石上錦
字元素余道溥字問舟並以醫名

績溪縣志

楊大川字汝舟婺源人世業醫自其祖來當塗至大川名尤著
用藥平淡而著手全活性好施予散棉衣給錢米助棺掩樹無

歲不舉

富陸縣志

胡開文名正績溪人孝友樂善先是歙人曹素功造墨名一時

曹業替而胡代興所製蒼珮室墨充貢品子大醇世其傳

績溪縣志

程奐輪字雅扶歙縣歲貢候銓訓導工大小篆八分書手寫小

篆十三經說文解字又工刻石仿秦漢印章刻有二十四詩品

及槐瀕印存

歙縣補志

南國府

唐夏榮宣州人有相術蕭嵩陸象先爲僚婿蕭尙未仕陸已任

洛陽尉榮謂象先日陸郎十年內位極人臣然不及蕭一門貴

而且壽人未之信天寶中嵩兼中書令年八十餘子華歷中書

侍郎同平章事乃服其冰鑑云

舊唐書蕭嵩傳

紀叟宣城人善釀酒能禮賢嘗以酒飲李白比卒白哭之以詩

曰紀叟黃泉裏還應釀老春夜臺無李白沽酒與何人

李白集

崔十五涇縣人善書李白酬其見招云爾有鳥跡書相招琴溪

飲手蹟尺素中如天落雲錦

李白集

陳氏失其名宣城人家傳右軍與其祖求筆帖柳公權求筆於
陳先與二管謂其子曰柳學士如能書當留此不爾退還即可
常筆與之柳果以不入用別求陳曰先與者右軍所用柳信遠

矣

墨池瑣錄

包貴宣州人善畫虎子冊權之所作乳虎圖絹素雖破精潤如

新畫品

江西南南舊通志

宋徐昞涇縣人善畫嘗於靈惠廟正殿後壁畫一龍筆勢飛動

見者竦慄水旱祈禱輒應

南國府志

諸葛高宣城人世工製筆梅堯臣次歐陽修試諸葛筆詩云筆

工諸葛高海內稱第一蘇子瞻云諸葛筆管如內法酒北苑茶
縱有佳者尙難得其彷彿林和靖云頃得宛陵葛生筆如麾百
勝之師橫行紙墨所向如意江南通志
南國府志

呂安世旌德人以善星名大觀中長星見安世上書言主河北
及東南當有兵後語涉宮禁有旨押歸復驛召借補宣德郎令
鑿河北山川旺氣之所安世既往並圖關陝要害將上權貴疾
之諷臺諫言其傲誕追原官罷之已而南北變故相仍人皆嘆
其先見南國
府志

吳鎔字國器甯國人隱於醫全活者眾略不言利年百歲視明
聽聰面灼灼有光人稱不老仙南國
府志

元徐文中字用和宣城人善鍼法兼通道術爲吳掾鎮南王妃
患風或以文中聞文中診之接手合骨曲池而鍼潛入焉移晷

手足俱舉明日起坐遂愈嘗大旱祈雨振袂一揮雲起雷作大

雨如注後仕至紹興路知事卒

江南通志
甯國府志

明王德文旌德人洪武中以明醫送部子潮永樂中授訓科孫

興宗洞達壽夭宣德中膺冠帶

甯國府志

劉國昂旌德人醫得異傳明季大疫施藥活人無算

江南通志

左焜涇縣人洪武中舉爲醫學訓科有達官尹姓者病亟上命

良醫治之焜往驗令以茯苓煮粥啖之果愈同族左維垣世傳

醫學尤精傷寒萬歷間授太醫院官

甯國府志

程文中涇縣人宣宗時從其父御史富征苗崗擄六十餘人授

七品散官富致仕歸途遇盜以術制之悉擒獲焉同邑諸生查

夢綱亦有異術

甯國府志

趙鈞涇縣人多隱德最精堪輿自葬其祖於黃麻山預言子孫

於某科當捷歷歷不爽

甯國府志

方希叔宣城人善八分書精繪事尤長於草蟲淡墨揮灑飛動

如生年九十餘卒

江南通志

管擢南陵廩生博通經史旁及醫術所活人不可勝計無一言

及於利著有保赤全書

甯國府志

翟觀字仲明涇縣人曾官石門知縣少以豪傑自命後師事湛

若水有得晚號狂斐子精數學撰原一數學洞微十二卷其術

不傳

甯國府志

周子幹太平人通道術嘗經柏葉山見石塞路祝而去之一夕

雷震石裂行李坦然尤精醫著有醫案數十卷

江南通志甯國府志

查萬合涇縣人善鍼術有半仙之名或問萬合所活幾何答曰

吾非能活人但不殺人耳同邑沈必孝精醫好義有佛心仙手

之目

江南通志
甯國府志

左激字有昂涇縣人善醫爲訓科旁通陰陽卜算之術尤精地理著有家警錄爲堪輿家所珍

甯國府志

葉兆京字于周涇縣人工制藝尤精書法直偁董宗伯人得片紙傳爲珍玩同邑王士勤行楷入二王之室又趙田字古農筆法道勁小楷尤可寶貴

甯國府志

梅克濟涇縣人曾官考城主簿升倉大使所至得其書者咸寶重之

甯國府志

饒震元字登之旌德人萬曆戊午舉人知綿州事畫宗小米點染雲山道以青碧儵然絕塵族孫大振邑諸生每大醉縱筆作山水人物極精

甯國府志

程寶顯旌德人性至孝祖父病噎刲股以進母病足寢食不離

善寫真神形偏肖湯祭酒賈尹以爲無出其右者

甯國府志

李治字赤山太平人工書道勁能透紙背

江南通志

蔡子仁太平人善寫真工界畫得李將軍法

江南通志

僧坦然太平人善鍼術胡某中風垂斃僧再鍼之瀉痰斗餘而愈石埭高令患癱瘓僧再鍼不效靜思良久更製長鍼一鍼而

愈

甯國府志

劉太憲字用章太平人少工八法篆隸尤精鐫刻圖印刀法如

何雪漁文三橋古健可愛

甯國府志

焦耿芳太平人精醫投無不效公卿爭延致之同邑孫廣少業儒棄去往師歛醫程敬通盡得其術投無不效口不言酬貧者

兼施之藥

甯國府志

邵堯字惺之太平人崇禎庚午武舉嘗以水墨作花卉翎毛又

以硃塗竹石有天然縱逸之妙

甯國府志

周之明字誠生太平人精岐黃挾術以遊名重兩都文震孟倪元璐皆得其力作詩贈之有所得必以均弟及孀弟婦以成其

節置義田以贍族著有問答醫案四時調理方書行世

甯國府志

邵岑中字逸峰太平庠生工繪事山水宗董北苑晚年出入子久叔明秀逸蒼深有咫尺千里之概同邑程天祐能作淺色山水及人物樓閣又譚履吉者善潑墨山水林壑雲烟出沒亦能

手也

甯國府志

奚月川太平人善堪輿人推爲張宗道之亞

甯國府志

項應龍字仲嘉太平人時邑令許光祚以畫擅名見而愛之教

以臨摹遂得大成尤工小楷

甯國府志

崔瑞生字衷白太平人性孝友善岐黃專以活人爲念絕不受

酬又得養生訣年踰九十神明不衰同邑程國令詩畫冠絕一時後乃專意岐黃謂有益於人也所見每出人意表屢著奇效

甯國府志

譚之化太平人工弈著棋譜時稱國手

甯國府志

國朝王罔字仲山宣城人書法顏平原順治閒太平守擬書丹陽古郡四大字刻石城闔無當意者或薦罔青鞋布襪守頗易之既拂紙疾書眾皆驚異又能以淡墨寫枯花草蟲嫺然有致

甯國府志

王猷字肇宗宣城人博覽強記嘗遇一操舟者名季海授以導引之術遂隱於卜康熙時督師董公聘入幕平諸寇多資其卜以決所向自以日者之言多謬著有九十四家年月考及算書三式切韻諸書卒年八十七

江南通志甯國府志

芮伊字與權宣城人性多巧思能手製自鳴鐘及諸測量器皆得西洋書百餘卷皆通其法

甯國府志

蔡瑤字玉及宣城人善畫山光雲影森秀可愛

甯國府志

萬惠字德軒涇縣人遇異人授太乙神數兼通象緯占步之術嘗元日脫衣就潭浴氣蒸蒸如沸鑄著有河洛圖說易二傳解注及數學精微天文星氣形家理氣諸書既而謂不當洩盡焚

之

甯國府志

劉光暘旌德人工篆刻順治初尙書馮謐招之至京令鑄快雪堂法帖進呈稱

旨授鴻臚序班其族子玉標亦工篆刻河撫汪灝倚雲閣集有贈劉劄

士歌卽玉標也

江南通志甯國府志

翟時泰涇縣人少因病讀醫書遂精其學郡守佟賦偉母七月

患熱證奉以參耆投之眾皆駭問答曰如是可延至冬不則秋
深可憂一日母啖西瓜大爽並食粥時泰遂辭出署曰不出三
日矣次夕果歿又有客三日不溺勸其速歸曰汝至中途目疾
必作次日盲一目其臨證奇中如此甯國府志

郭之晉宣城人善花卉翎毛寫關雉尤有生氣同邑呂慧字定
生工人物花草又有湯逸者字希白隱於詩畫行頗高潔俱有

名甯國府志

劉南英字宇千宣城人工詩尤精琴理著琴學集成十卷梅徵

士文鼎序之甯國府志

王之冕字憲如宣城人善療目疾著啟瞽功纂青囊精選二卷

甯國府志

呂起綸字友柏旌德貢生精醫應手輒效其生平孝友輕財好

施尤有足多者

甯國府志

黃太松字耐巖太平人嗜酒善畫知其癖者每招飲濡墨候之興發揮毫頃刻可畢數幅嘗遊杭城適制府校畫史太松翎毛花卉皆第一名愈噪山水尤不可多得張相國玉書得其一幅如獲拱璧孫夢彩字德輝能得其傳嗜詩書善鼓琴所至公卿皆爭禮之

甯國府志

江希舜字孺慕旌德人精幼科著有痘證元珠等書首創裡痘良方厥功尤鉅其孫有令曾孫必昌皆以醫名不計財利

甯國府志

梅紳字培翼宣城人畫松石多奇趣同邑汪儒畫人物秋卉疏

淡有致又有尤書者字二酉寫山水花鳥筆墨蕭散有雋致

甯國府志

倪度字孟則馬繼登字魯山皆涇縣人並工山水淡遠蕭疏得

雲林筆意又同邑以畫名者王改善蘭鄭文桂善梅蕭如龍善松鄭文鑑善山水樹石花竹文鑑嘗與蕭景獻王我遜僧西意等稱畫社十子

甯國府志

陳孝字仲則涇縣諸生工草書嘗書仙峰二字於琴溪石崖高懸三十餘丈一字長濶丈餘趙宜刻之深入五寸許宜亦名工也好事者詩歌紀其事彙成一冊曰仙峰集孝有自著詩三卷

甯國府志
二樓志

施參字景曾涇縣人精六壬口訣有奇驗嘗賣卜金陵長干寺八月初日晨起占本歲科名無一爽者尤善射覆年九十六鶴髮童顏神仙中人也子斌亦繼其術次子世琦幼子天爵皆善

醫官太醫院

甯國府志

方應召旌德諸生書做懷素瘦硬通神畫蘭尤稱逸品姪靜善

飛白書嵌空蟠折絕技也

甯國府志

呂翥字苞羽旌德人書法米元章年十三至吳門尤侗贈之詩

曰宛陵童子世無雙大字能書一丈強者是也

九西堂集

郭聘字研廬旌德人年十二以詠雞冠花詩得名畫師潛山陳延得鄒虎臣之傳卒年七十九

甯國府志

張尙雅字以南旌德人曾官州同知畫山水學李營邱人物師

陳洪綬時稱神品

甯國府志

程鼐字調梅旌德諸生書法初學趙董後自成家大字扁額尤

爲能品

甯國府志

劉期侃字亦陶宣城人少客都門從高其佩學指頭畫法皴紋細理用指甲大則以掌縱橫變化高自言得之夢中非由師授

而惟期侃能得其傳

甯國府志

倪志淵字澄可宣城人畫山水有雲林筆意晚年右手折乃用

左手更工

甯國府志

曾文奎字星聚宣城人讀書不樂仕進卜居高涓湖畔以琴書
花鳥自娛精青囊術雖遇沈疴投一二劑立起亦不責謝有隱

君子風

甯國府志

劉子科旌德人善視目疾其六世祖華卿少遊京師遇異人授
以祕書所治輒效傳至子科聲名遠播求醫者甚眾其子習登
爲童子時夢拾金篋一具術乃愈奇嘗治一大宅以待遠方來
者車馬絡繹呼爲劉仙

甯國府志

劉茂吉字其暉旌德人讀書過目輒了旁搜天文地輿象數精
推步所著有北極高度表天地經緯象數要略坤輿圖說京省

全圖

甯國府志

黃裔字雨先太平人太松曾孫善畫山水疊嶂層巒青蒼秀潤

尤工翎毛花卉不失家傳

甯國府志

胡向先字樂野太平人讀書知義尤精岐黃以術療人從不言

利晚得異傳製膏藥以施人獲濟者甚眾遠近誦德今子孫猶

遵餘訓

甯國府志

吳遷字松喬涇縣人官刑部司獄工行草書尤善岐黃活人無

算嘗注張台卿所著傳忠錄並新方八陣刊行之

涇縣志

翟夢青字燕符涇縣庠生工書真行草隸皆入妙品尤善畫竹

尺楮寸緞人以爲寶

涇縣志

宋元孟涇縣人精痘科著有痘科指要子天章世其業全活無

算時有佛心仙手之稱

涇縣志

翟聃字宛仙性孝友兄一貫早卒事嫂撫孤數十年如一日精

於醫懸壺姑孰遇疾疫調治不計利人皆德之

涇縣志
以上舊志

章醞字淡若甯國諸生工詩文以書法得名嘗寓金陵報恩寺

浮圖絕頂三年目之所見一洩之於書故下筆有奇氣而於草

法尤精

甯國縣志
以下新修

汪眞理字慰亭旌德人候選鹽知事書法魏晉遒勁古樸精韻

學字母以等韻十二攝爲主分韻則旁通潘稼堂類音著有同

類元音四卷

旌德縣志

劉守憲旌德人懋吉裔孫製日月自鳴鐘下報時刻中列節氣

上懸日月其運行出沒盈虛長短與節氣時刻無少差謬他奇

器皆有心巧

旌德縣志

方銘旌德庠生精醫診病立愈手輯傷寒摘要著有溫熱條辨

及暑溫濕溫疫癘瘡痢諸條辨勝氣復氣二篇

旌德縣志

崔之烜太平監生精醫活千餘人未嘗受謝貧者更饋以藥一日邑令延之適他有求診者烜先造其家而後赴令怪之烜曰公力能致他醫彼貧民不得烜則死耳

太平縣志

重修安徽通志卷二百六十三

人物志

方技二

池州府

宋張賁字元明青陽人爲宣州司理工畫

江南通志

明陸仲遠青陽人醫不嗜利軒屐到門日數百而園池竹石觥

籌鏗鏗然自樂也年老思九子芙蓉不能去遂家姑溪著有千

金聖惠方

江南通志
太平府志

僧曉雲上雲寺僧善治痘他醫以爲可藥者曉雲獨不可他醫

以爲不可藥者曉雲獨可計月斷生死無一差不責報

江南通志

羅世頌青陽人性孝友親歿廬墓後棄儒爲醫常入山採藥遇

異人授以祕術活人甚多

江南通志

國朝何其洽銅陵人善岐黃不計利著有幼科指南一書活人甚

眾同邑王世澤亦善幼科著有幼科金鍼又奈繼第者嘗有川

撫延之治幼子病一劑而愈愧之金不受飄然而去

銅陵縣志

李蕃銅陵人其父應揚嘗遇異人授之醫術蕃世其業著有醫

言行世

銅陵縣志

梁應達建德人工爲鐵花凡畫工所不能傳者皆能以鐵傳之

其技在湯天池前今人但知天池不復知應達矣

建德縣志

江之翰字羽白建德羽士工詩善書尤精堪輿之術相墓畫地

爲圖卽知休咎著有地理纂要

建德縣志
以上善志

太平府

漢沈建丹陽人好道服食導引工治病應手而愈嘗遠行寄僕
婢併所牧羊於人各與藥一丸皆不食建歸復與藥一丸食如

故神仙傳

晉薄紹之字敬叔丹陽人官至給事中善書憲章小王風格秀異若干將出匣光芒射人斷

書斷

南宋沈宗丹陽人善占卜義熙中左將軍檀韶鎮姑孰好獵善格虎一人皮轆乘馬從數人來占云向東求食好向西求食好宗爲作卦曰東去吉遂東去數十步人馬皆化爲虎是歲虎暴

非常

太平府志

徐文伯字德秀丹陽人太守熙曾孫熙好黃老隱秦望山有道士授以扁鵲鏡經曰君子孫當以道術救世因精其學子秋夫工其術世傳爲鬼鍼腰痛秋夫生道度道度生文伯孝武時太后病眾醫不識文伯曰此石博小腸耳乃爲水劑消石湯卽愈有宮人患腰文伯曰此髮癢以油投之吐得物如髮頭已成蛇

挂門上灑盡一髮也遂瘥

南史張邵傳

徐嗣伯字叔紹文伯從弟直開將軍房伯玉患冷嗣伯曰君伏熱須冬月以水發之至十一月冰雪大盛令伯玉解衣坐石二人夾之以冷水澆之盡二十斛伯玉噤欲絕盡水百斛始能動背上氣彭彭起熱不可忍咬以冷水遂差又常以死人枕煮之療人病不同而皆差嘗春月出南籬聞聞呻吟聲曰此病重甚卽入視之一老嫗體痛處處有黢黑無數煮斗餘湯服之痛愈甚跳投牀者無算所黢處皆突出釘長寸許嗣伯曰此釘疽也其神異如此

南史張邵傳

隋耿詢字敦信丹陽人陳後主時從刺史王勇至嶺南勇卒其郡俚叛推爲主王世積討擒之罪當誅自言有巧思得釋爲奴見其故人高智寶以元象爲太史從受天文算術創意造渾天

儀不假人力以水轉之候天時皆合世積奏之高祖使給使太
史局煬帝卽位進蔽器帝善之放爲良民後授右尚方署監事
東征詢上書諫煬帝怒欲斬之以何稠諫得免平壤之敗帝以
其言中使爲太史丞及宇文化及弑逆詢欲去之爲所殺著鳥
情占一卷行於世隋書唐秀才傳

宋祝次仲字孝友太平人工山水尤善草書江南通志

明何中立當塗人善占卜知休咎太祖定鼎金陵詔同劉基定

皇城趾向授五官保章太平府志

陸惟恭當塗人診視太祖有功除太醫院判子才景泰閒亦任
院判京師稱陸一帖謂愈不再續也才生三子長豫次道嘗任
蕪湖訓科又次道源任太醫院御醫豫子敏以太醫院醫生中
景泰元年順天鄉試敏弟敢任本府正科陸氏代以善療傷寒

重刊通志卷之三十三
名敵尤收速效功觀形色卽知病源一時重之

太平府志

王哲

蕪湖志

蕪湖人永樂閒以良醫副進修職郎多禁方

太平府志

彭正字思直當塗人永樂閒以良醫再使西洋子賓世其業天

順中乘傳療諸王所至奏效

江南通志

王容字志宏當塗人天順閒命療邊關戰士多愈授王府良醫

副同邑唐貴卿以婦人科亦授醫副貴卿弟正卿醫有奇效不

計人酬一郡德之

太平府志

濮鏞字景鳴世以眼科名著杏莊集授良醫副進修職郎同邑

喻守澗以良醫活人無算

太平府志

邢狗兒當塗邢珣僕也珣守贛宸濠之亂珣每戰狗兒以身翼

之輪刀直前所向披靡珣以文臣著戰績狗兒力也珣卒一日

珣妻及諸子欲觀狗兒舞刀不可強之曰刀神物也必欲試之

可以空室局余於中汝等但從隙中窺之不可近也如其約則見刀光似雪杳不見人大風如吼久之不息狗兒疾呼曰速以二雞擲入從之乃止蓋刀得血而後收也後不知所終

太平府志

王縱字大儀蕪湖人發其先世所藏諸方書潛心探究遂成名醫目手所及生死判然爲醫主理中氣不襲陳言或遇奇疾用鹽泥簪耳投之神效性孝友亦能詩卒年八十九

太平府志

楊瑗字師遜當塗人官王府教授善繪園圃菜茹枝莖細嫩葉

蝕蝸篆生趣盎然

江南通志

陰有瀾字九峯蕪湖人官太醫院吏目博覽羣籍尤精性理其治疾根極五行生剋洞徹膏肓計日報可暇卽延請師儒講究

理學卒年八十八

太平府志

劉繼芳字養元蕪湖人精治外科得肘後之傳著有發揮十二

動脈圖解并怪證表裏因等集子綉鯉世其家學亦負重名官

太醫院吏目三子騰鯉拔貢生官靈寶縣知縣

太平府志

萬孔魁字仁林繁昌人精醫南陵有少寡七月天癸不通腹膨

且大家人延孔魁審謀墮胎孔魁一按指卽大呼曰此血結也

服藥後當下血數斗頃之如其言冤乃白時稱爲神性好施予

嘗捐金全婚周急無德色卒年八十四

太平府志

徐文行字觀海繁昌人醫有奇效有患虛怯者絕食數日聞步

履聲驚悸欲死文行切其脈令移所治酒脯置榻前賓主呼盧

不移時病者已愈七八文行曰此脾病也前醫誤耳投劑飲之

數日如故

太平府志

謝承文字郁字當塗人洞徹醫理決人生死無爽有詰者欲試之見文至跨高而墮仆地佯死文診之曰速治棺具無生理矣

頃之其人果死蓋飽食以墮而腸斷也一夕與所交飲握手言別察知其脈有病急合藥以俟少頃其家果踉蹌言急病欲死

以藥與之一服而蘇

太平府志

童應傑號養春蕪湖人治病奇效授醫學訓桂王之藩道經蕪湖世子病篤醫皆畏避應傑獨往診之令以土藉之投以潤藥應手而瘳蓋久在舟中木火與併也王欲延之至藩懇辭而歸

太平

府志

沈大望字震甫蕪湖人病人貧乏出參耆療之不使之知崇禎季年太池時疫大作全活無算

江南通志

國朝濮澄字仲謙富塗人以鏤刻擅名一切犀玉髮竹經其手古

雅可愛一簪一盃傳爲珍玩

江南通志

芮養仁字六吉當塗人醫有別解著醫經原始五方宜範諸書

江南
通志

陳醅儒字蔚宗當塗人爲諸生有名工漢隸八分尤善山水於

化城寺構書巢牙籤萬軸著杜律解行世性慈善喜施創建育

嬰堂

江南通志
太平府志

俞文字武先繁昌人善行草書直入晉人之室畫變化於董米

倪黃之間迴非時手所及

江南通志
太平府志

江舟字虛舟繁昌人精天文象緯之學究心六書著有五聲韻

府金吾四集畫龍虎自成一家

太平府志

余鶴字覲五繁昌人因父病棄儒業殫心於醫竟陟其巔嘗過

病婦家氣已絕鶴卽入診之索巴豆半斛瀝油著於楮灼煙入

鼻經食頃嘔痰數升病遂立起著有醫砭一卷

太平府志

史紀策字贊明當塗人世以外科著一人病痛癢不能忍紀

策曰此蝨病也刀破之蝨漏出而愈一人爲讎所害以寸鍼刺入腹投以藥鍼自出一人頭頂出氣腦若火灸紀策令劇飲酣睡以鍼刺涌泉出膿盃餘醒而遂愈

太平府志

吳天植當塗人精痘科藏有奇驗方書活人甚多子文修能世其業惜後失傳

太平府志

沈達士當塗人精幼科活人不言酬邑皆德之子天錫亦以醫名同邑陳隆世業醫曾孫日超邑諸生活人尤多

太平府志

祝昭字亮臣當塗人能詩善八分至彈琴作畫鐫碑刻印諸技莫不精絕士大夫皆重之

太平府志

姚宋字雨京蕪湖人山水師雲林梅師靖江能吟咏善彈琴至於指頭朽木皆能任意揮灑而西洋編紙尤爲精絕

畫後錄

彭濬字芥舟蕪湖人能詩尤工山水花卉仿石田白陽幾於亂

眞同邑劉塾字梅江工人物

蕪湖縣志

俞子才蕪湖人精研本草神會意解同邑沈省神明古方稱爲

國醫著有集驗等方行世

蕪湖縣志

後呂僊蕪湖人精六書善摹印同邑諸葛祚善鑄銅章腕力深

入蒼老秀健沈歸愚極重之

蕪湖縣志

梁璠字崑璧蕪湖人工花鳥草蟲得徐黃意

蕪湖縣志

王維翰蕪湖諸生精醫能神明古法子志仁孫道亨皆世其業

同邑梁琦得異傳接骨生活甚眾年踰九十姪庠生誠基孫訓

科召膺並能繼志

蕪湖縣志

袁令德字懋昭蕪湖諸生子州判標孫州同知一舉三世精醫

名動公卿

蕪湖縣志

汪克敦朱素文蕪湖人皆善琴

蕪湖縣志

湯鵬字天池蕪湖人能揉鐵作畫花竹蟲鳥曲盡生致又能作山水屏幃好事者以木範之懸於壁或合四面成一燈鍾鑄之巧前此未有也湯歿其法不傳或仿爲之工拙懸殊矣仁和朱文藻賦此云乍看似墨潑絹素山水人物皆空嵌風飄秀色動蘭竹雪摧老幹撐松杉華軒偃人有寒氣盛暑亦欲添衣衫最宜樺燭燒春夜千枝萬蕊發翠岩元明舊蹟其諦視轉覺暗淡

精神槭

蕪湖縣志增修以上舊志

廬州府

晉杜不愆廬江人少就外祖郭璞學易卜屢有驗邨超年二十得重疾試令筮之不愆曰君所苦尋除然宜於上宮姓家索其所養雄雉籠東檐下九月丙午日當有雌來交若雙飛去不出二十口卽愈年且八十若雄雉不去病一周方差年半八十如

其言至期果有雌雉飛來交畢雌去而雄不動超歎曰雖管郭之奇何以尚此超病果踰年而起年四十而卒不愆後爲桓嗣

建威參軍

晉書本傳

宋章迪字吉老無爲州人隱於醫善鍼術以其道救人傳子濟濟誓救三千人不復鍼又以父道付子權起病如神米芾志其

墓親爲書石

廬州府志

趙廣合肥人爲李伯時家小史伯時作畫每使左右久之遂善畫尤工畫馬建炎中陷賊聞其善畫使圖所掠婦女不可殫以刃不從斷右手拇指遣之而廣平生實用左手亂定惟畫觀音大士而已今所藏伯時觀音多廣筆也

老學菴筆記

明李恆字伯常合肥人洪武初擢周府良醫嘗奉旨集袖珍諸方年老致仕王賦詩以餞命長吏瞿祐序其事

江南通志

林時字惟中合肥人善太素脈有一妊婦求治時語其家人曰
夏得秋脈定死當在庚申辛酉閒果驗又駱善舒城人永樂閒
太醫院判善同邑胡新成化閒太醫皆精於醫一時重之

江南通志

府志

谷濱廬江人累官欽天監監正象緯豫陳無一不驗官至太常

少卿

廬州府志

郭民安字華臺巢縣庠生攻醫術遇病者如痂瘥之在己乙亥
城陷令以下皆被執不屈賊次第殺之將及民安忽一賊奔救
曰八十老翁降之何用殺之何爲因得放歸後追記其人乃昔
年窮途病夫施藥愈之者也弟民康醫亦有名

江南通志

趙修祿巢縣人工畫馬嘗寫大士千幅

江南通志

徐體乾巢縣人占易用左邵法與焦氏易林相符契其天文得

之劉誠意所著易解焦竑序之

江南通志

吳鵬廬州人習堪輿家言萬歷時礦稅忽開奸人欲徧發霍廖金斗諸山中官暨祿率黨數十人入郡城人心惶懼鵬爲危論

動之全廬得免發掘之擾所著有五寶經

廬州府志

仰廷宣無爲人隱於繪事好爲大幅陳繼儒稱之又葉廣巢縣

人所寫漁樂圖遠近傳爲珍玩

廬州府志

楊名遠巢縣人楊義之後義晚年家居留心仁術有名醫以女科來謁義命次子師之遂精其術至名遠已八世專精至誠益

著奇效

廬州府志

蔚之瑚合肥人精岐黃崇禎辛巳大疫普施藥餌全活甚眾

廬州府志

府志

趙連城字我維其先本楚人後家無爲世業醫有奇效尤善拳

勇先在劉將軍綈麾下爲火藥局都司剿鄖襄流賊有奇功後以故去官生平便捷善射百步外飛石取人毫釐不爽至於戈矛刀劍之術無不窮極精能一可當百

廬州府志

國朝吳嘉善合肥人事母以孝聞崇禎十三年大疫有求醫者應以方藥但期病愈未嘗計利順治九年旱疫亦如之卒年九

十三

廬州府志

許學文合肥人精醫尤善幼科著有痘科約言保赤正脈二書

江南通志

曹夢鹿無爲諸生性孝友以文章著聲嘗游華山遇異人授陰符數術及韜鈴等藝無不精妙

廬州府志

朱觀象無爲人清介端方衣荷食椽援琴自適博古通今以至

書畫堪輿理數諸祕皆探微奧

廬州府志

李亨字仲仁無爲人工畫花鳥蟲魚皆絕妙

廬州府志

蔡宏字秋浦無爲人工染翰韓學士英嘗贈之以詩同州孔瑜

字琢文官頴上教諭善畫山水

廬州府志

秦堅字屹高合肥人習天官家言嘗入欽天監得聞西洋利瑪竇湯若望諸星法及天文諸書後遊江浙言人禍福壽夭皆奇

驗容蘇州自知死期命子瑞麟具湯沐至期無疾而逝

廬州府志

程正朝合肥人雍正癸卯舉人精岐黃

廬州府志

張振乾馮聖傳俱巢縣人皆工繪事

廬州府志

雍熙日字皦如方如鼎字周從皆無爲人善圍棋前後稱國手

廬州府志

方正晉合肥人善岐黃尤精眼鍼

廬州府志

後祺字咸吉無爲諸生喜吟咏工染翰書法高出一時筆窠大

字尤妙弟禮號鐵峯以蘭竹著名筆力健勁其竹幅愈大愈妙

觀者如在竹林

無爲州志

宋金鏞字杏莊無爲人精痘科不爽毫髮同州王朝憲字叔安

能療奇疾治傷寒尤精妙又有湯輟者治傷寒無不奇效

慶州府志

葉文舉字公遠合肥人能探丹谿河閒之奧多所全活子天彝

復得祕授著有醫宗思知錄同邑董生和其先爲名醫至生和

九世能療奇疾

慶州府志

張名蕃字鎮寰無爲人精幼科

慶州府志

王緒號雪舟無爲人工山水人物獨冠一時弟紳亦以畫著名

兄弟皆年踰八十

無爲州志

李容讓字聖輝無爲人乾隆己酉舉人工詩善畫山水尤得北

苑遺意

無爲州志以上舊志

鳳陽府

漢朱建平沛國人善相術嘗相荀修鍾繇曰荀君年雖少然當以後事付鍾君又相魏文帝夏侯威應璩言其年壽無不皆驗荀修卒鍾繇經紀其門戶與人書曰追思建平之妙雖唐舉許

負何以復加

太平御覽
東觀漢記

宋崔白字子西濠人善畫花竹羽毛芰荷鳧雁道釋鬼神山林飛走之類尤長於寫生極工於鶯所畫無不精絕神宗命與艾宣丁貺等共畫夾竹海棠鶴圖白爲諸人冠補圖畫院藝學嘗作謝安登東山王子猷訪戴二圖爲世所傳

宣和
畫譜

崔慙字子中白之弟也官左班殿直工畫花鳥筆法與白相似尤喜作兔自成一家

宣和
畫譜

丁貺濠人善畫花竹翎毛神宗時命與崔白等共畫垂拱御展

圖一時榮之

宣和畫譜

惠崇壽陽人工詩畫有名於時

鳳陽府志

金武正宿州人祖某官太史棄官歸農正精易數貞祐開行樞

密院以上客禮之軍事所諮其應如響

江南通志

王搏韓熒皆宿州人醫道通神王路遇昇棺驗其血不死啟棺

鍼之子下母甦一金陵買病危韓謂不過中藥毒投以甘草湯

而愈又宿州衛百戶季景少時弱疾不起延二人視之韓決其

速愈壽八十餘王再視謂八十四果如其言

江南通志

元朱肯堂懷遠軍荆山人與宋贊劉彥實朱瑩秦子通等醫皆

五世知名惟子通仕至太醫院提舉

懷遠縣志

明郝志才濠人太祖微時病篤志才鍼之而愈洪武初召爲太

醫院判後請老以其子文傑代爲院使

江南通志鳳陽縣志

趙道震字處仁定遠人其先自金華來徙精醫術活人甚多永

樂時召修大典運氣書年八十四卒著有傷寒類證行世

江南通志

何欽字大敬懷遠人世業醫至欽愈精凡經診視生死不爽學

者請究其術欽曰先讀易以察時變讀禹貢識九州山川風氣

博習方書歸約於內經始可與汝言耳王鴻儒奉使鳳陽采輯

憲宗實錄疾作延欽一劑而愈鴻儒爲文記之

江南通志

胡連鳳陽人洪武中官工部主事善楷書又宋椿宋梅臨淮人

椿善草書梅善飛白篆隸又臨淮以書畫名者吳孟熙善山水

吳釗許雪梅並善草蟲花鳥楊隆平善書嘗廣永字八法爲七

十二法劉一鳳善行草書金焯善書尤長於畫

鳳陽縣志

黃用卿鳳陽人通五運六氣善診脈知人疾病生死數年前多

驗

鳳陽縣志

金綬懷遠人幼業儒兼習養生之術尤精於醫濠壽之間全活甚眾知府饒某得奇疾醫治不效綬診之投藥三劑沈疴頓起

懷遠縣志

侯進忠字丹一鳳陽人世襲千戶升遊擊善草書大字自成一

家工畫梅蘭竹石尤精於射致仕歸結茅而居栽花種竹以琴

書自娛卒年九十

鳳陽府志

道雄俗姓唐臨淮真如寺僧每施藥濟人無不奇效通韻學反

切卒年七十八

鳳陽縣志

許長春號華修懷遠人善痘科鍼灸通神著有慈幼集六卷其

子謐能世其業挾術以遊福藩禮爲上賓欲官之不受

懷遠縣志

國朝陳應鴻鳳陽人善草書風骨遒勁

江南通志

薛嘉猷字若采定遠人邑諸生工詩文尤善草書人爭寶之

江南通志

重修安徽通志卷二百六十一

人物志

方技

七

鳳陽府

通志

尹開字自公鳳陽人善畫其策蹇圖人物生動懸崖仄徑意致

清遠非俗工所能髣髴

鳳陽縣志

李九皋壽州人妙醫術屢治奇疾

鳳陽縣志

戚仁師壽州人明末官守備父卒於任徒步扶柩歸有疏族爲

副將戰歿仁師上書御史遂獲贈廕身雖武職工書畫善岐黃

解官歸隱於市懸壺賣藥卒年八十四

壽州志

彭宗旭字立陽鳳陽人善畫以蘆雁得名同邑以書畫稱者尙

濱善山水人物吳肇善書程紹棟候選州同善行草陳一鵬及

子元皆諸生善行草兼工八分趙天德鮑泗皆諸生善眞行書

鳳陽縣志

魏燦鳳陽諸生善弈書宗趙文敏年七十猶能作小楷

鳳陽縣志

王廷芳字又芬鳳陽庠生摹印得古法善醫尤長於治痘子耕亦庠生善山水同邑蔡溥治病多奇效所著有狐白集醫統卒年八十四子孫並世其業又有吳玉堂劉仁菴者皆善醫有奇

效

鳳陽縣志

劉靜涵臨淮人善畫卒年八十一同邑蔣其昌楊淡菴俱善行草許守仁善畫李宗白善刻印章兼工山水黃烈歲貢善行草吳乾尤蘭英劉俊俱邑諸生並善真行書

鳳陽縣志

胡寅臨淮人邑庠生善治痘

鳳陽縣志

劉宗亭壽州拔貢官宛平丞居官情正善詩文工書畫

壽州志

胡應亨宿州人本自徽徙精於醫歷代諸書罔不詳究有求卽應投劑立效著有傷寒輯要及雜證脈訣子芳仲能世其業

宿州志

趙應元壽州人遇異人授以白牛圖并方書一卷問其名不告而去應元精思三日頓悟其旨凡遇疾病以意療治無不奇效

年八十餘卒

宿州志

杜先生定遠人專習痘科嘗謂一小兒必不救三日過其門聞啼聲知己變順證怪而入問言遇一搖串鈴者授以藥杜急訪

之盡得其術自後雖遇奇疾無不治者

定遠縣志

白敬陽壽州人得祕授治疾無不效著有瘟疫辨論

壽州志

凌奎揚定遠歲貢累世以藥餌濟人不受值其次子增生和動

尤精其業無往不效

定遠縣志

王顯文定遠人好善樂施善岐黃尤精痧痘應手而癒

定遠縣志

方燭定遠諸生善醫貧者助以藥餌不受謝

定遠縣志

胡鏐壽州諸生醫不泥古方以意加減輒效又善自調攝卒年

八十四同州諸生許維華亦精於醫見請卽往貧者便之卒年

八十五人以爲多活人之報

壽州志
以上舊志

張熊飛字仲翔懷遠武舉選興武衛千總道光十年奉

上諭來京聽候差遣九月隨禧恩前往易州

西陵勘選吉地十一月奉

上諭以衛守備升用旋補南昌衛歷順天龍泉關都司年八十二卒

縣志
新修

潁州府

漢許曼汝南平輿人祖父峻善卜占之術自云少病篤三年不愈乃謁泰山請命遇道士張巨君授以方術所著易林行於世曼少傳峻學桓帝時隴西太守馮緄始拜郡開綬笥有兩赤蛇分南北走曼筮之曰三年後當爲邊將地有東名復五年更爲

大將軍南征延熹元年緄出爲遼東太守討鮮卑至五年拜車

騎將軍擊武陵蠻賊皆如占

後漢書本傳

華佗字元化沛國譙人游學徐土兼通數經曉養生之術年且百歲而有壯容陳珪舉孝廉黃琬辟皆不就精於方藥處劑不過數種鍼灸不過數處若鍼藥不能及者先以酒服麻沸散醉無所覺因剗破腹背抽割積聚繼而縫合傅以神膏皆平復曹操苦頭風佗鍼隨手而瘥託妻疾還操累書呼之不至乃收付獄殺之臨死出一卷與獄吏曰此可活人吏不敢受乃索火焚之佗嘗語弟子吳普曰人體欲得勞動但不當使極耳動搖則穀氣得銷血脈流通病不能生譬如戶樞終不朽也

後漢書本傳

晉隗炤汝陰人善於易臨終書版投妻曰吾亡後當大荒窮慎莫賣宅後五年有詔使龔姓者來頓此亭此人負吾金卽以此

版往賁之炤亡家大困至期果有龔使者止亭中妻遂齋版賁
金使者惘然良久曰賢夫何善對曰善易使曰我知之矣乃取
著筮之撫掌曰妙哉隗生含明隱迹於是告其妻曰吾不負若
金賢夫自有金五百盛以青瓮覆以銅梓去壁一丈入地九尺
知吾善易故書版以寄意耳妻還掘之果如卜焉

晉書
本傳

明徐富生種邱人以醫名元末避亂採藥金剛臺山中明洪武
開授太醫院

潁州府志

張玠字秀甫潁州人善醫有監司病塊投大黃數兩不動玠曰
脈細而附骨氣口虛是積在中央氣轉無力大黃反消胃耳法
當獨參兩餘可下如其言果下痰若敗卵數升又有陸吏目患
心痛玠曰水溢脣正黑此蟲也投苦楝下蟲滿匝他神驗皆類

此

江南
通志

張葵潁州人正德己卯舉人作飛白能徑丈頗有奇氣畫法直

偏馬遠人多寶之

江南通志

李葵潁州人醫術精妙有得奇疾聞人語輒昏絕諸醫危之葵

曰此陽虛不關陰可治也服其藥而痊著有醫方行世

阜陽志

劉良潁州人任俠善射幼與陳州百戶孫勇善嘉靖庚戌敵犯

京師將有運飛又者眾皆辟易良謂勇曰迎之其人奮義前良

隱勇後發矢斃之推功於勇至都督又嘗宿富民家賊夜至良

發三矢皆應弦倒賊驚曰必劉良也皆避

潁州府志

黃鶴潁州人能詩善畫摹唐人塞馬圖幾亂真王世貞極重之

又喬無心者太和人畫臻神品

潁州府志

張大本字汝立潁上人善醫方不盡如古能變化巧中有小兒

食田螺殼積於吭大本取雞若鴨涎共一器灌之殼立化左州

牧高天祐子痘攻於目目翳他醫治之而瘳次子復患是大本

視之曰是何難以葑柿蕪穀精草啖之數日翳退

潁上府志

張確字介石蒙城歲貢事繼母以孝聞著述甚富舉優行不應
尤善岐黃應手而痊著有醫說行世子以謙諸生能世其業

潁上府志

鄒貞卿蒙城增生精楷法碑銘多其所書

潁上府志

張問政潁上人幼習醫於其父大本屢治奇疾曾見一貧家婦

死而斂其血甚鮮問政以爲未死治之而生

潁上府志

白鷗潁州衛人通數學能斷人生死歲疫死者枕藉乃潛心醫

理賣田施藥家以是落

潁上府志

薛鳳翔字來儀亳州人仕至鴻臚少卿能詩尤以善書名深得

二王筆法所著有牡丹史採摭博洽焦竑袁中道爲之序

亳州志

曹永鼎字真陵潁州人善天文壬甲之學能詩善射夜步中庭
語友人曰火在斗主兵大臣嘗之大司馬陳新甲果於是月死
李燧起兵殺賊永鼎常居幕中出奇制勝後賊袁時中詐降燧
欲往撫永鼎力阻不聽遂爲賊所害

阜陽縣志

國朝劉大潤潁州歲貢博學善文尤達於數其門下士有令丹陽

者大潤推其必敗力止其行不聽後果罹禍

潁州府志

李方岳字篤生太和庠生工山水尺幅中煙雲縹緲莫可端倪

同邑鄒鴻錫善草書能作大字

潁州府志

趙澄字雪江潁州人筆墨秀潤南北宗俱臻能品其春夜宴桃

李圖圖尤爲一時所重子申亦以畫名

潁州府志

朱養字彤征太和庠生善醫尤精女科同邑歲貢張燦字佩章

亦精醫全活甚眾

潁州府志

郭欽字敬菴亳州人以歲貢官病松訓導重義道能文章尤長於醫施藥濟人全活甚眾所著有本草補注十卷

亳州志

周傑字漢宮亳州人書法聖教畫尤長於寫驢人以包虎顧兔例呼之傑惡其名後遂專畫牡丹得者寶之

亳州志

戴文炳蒙城人精醫著有傷寒權脈訣約言

潁州府志

范凱字允靜太和庠生善草書

潁州府志

張鶴字程萬亳州人書法二王深得聖教遺意子琴字靜和乾隆辛卯舉人學博才瞻以年過七旬得與千叟宴

恩賜國子監學正兼鳩杖如意朝珠彩緞杯盤并

賜御製詩一軸鄉黨榮之

亳州志

金鑑字道存亳州諸生其先自吳江徙舅管頴授之醫書遂窺其奧時毫未知種痘法鑑遇證精心調治小兒無枉夭者生平

尤篤於義幼師薛繼貧而瞽繼養贍之管穎歿而無子鑑爲

嫁其女養其妻妾子塏亦庠生能世其業

亳州志

譚洪範字獻廷亳州諸生初學畫折枝以燈影照之遂悟其法

隨意揮灑無不入妙

亳州志

董良字良玉亳州人書法雄秀名重一時嘗館京師一巨公家

從未干以私

亳州志
以上舊志

田廷玉阜陽文生工詩精醫著有輝山遺草傷寒集成瘟疫集

成痘疹集成

阜陽縣志
新修

滁州

明湯銘字德新滁州人通星緯家言洪武中舉爲天文生永樂

二年授欽天監五官靈臺

滁州志

魯文質全椒人善醫從太祖渡江進藥屢效授太醫院判

江甯志

湯序字淑彝滁州人通經史精星緯之學舉天文生歷本監官
天順初以復辟功特進嘉議大夫禮部右侍郎仍掌欽天監

志

滁州

劉定字安道滁州人知醫精堪輿家言口不言利同州呂正善
繪事曉醫卜地理人禮重之

滁州志

夏守成滁州太學生嗜古勤讀蓄書甚富題咏著述爲時所推
尤精於書有臨摹聖教序等帖行世同州王彥文忠信孝友精
楷書工繪事晚以貢官新河教諭

滁州志

施達全椒歲貢曾官咸甯知縣博學善楷書同邑黃梅官海甯
縣丞善行草自成一家

滁州志

費玠字子藩全椒人嘉靖戊午舉人知建昌縣以伉直歸精青
鳥家言著有窺天管見行於世卒年八十

滁州志

劉信字守道滁州人家世業儒以醫名於時人有急病不遠數

百里馳而救之後以子愷贈御史人以爲好德之報

滁州志

紀能字伯通滁州人早失怙恃養祖母至孝事兄長克敬生平

最精醫學遠近賴以全活者甚眾

滁州志

童心字菱石滁州人少力學工楷書郡中扁額屏記多出其手

嘗撫文待詔諸帖幾於神似年八十餘猶於燈下寫唐人絕句

於瓜仁上

滁州志

朱斯達字行可滁州人善草書得懷素遺法

滁州志

孫一獻號元夫滁州諸生通堪輿家言

滁州志

邵溶字元靜全椒人善岐黃全活甚眾喜爲詩與但謙黃桐等
結詩社著有味泉遺稿同邑彭璨字玉瑩亦精岐黃能起人危

疴不取利復工書大類顏魯公

全椒縣志

國朝張允恭字賡堯來安諸生精易學爲人卜休咎輒奇中其言

數衷於理有隱君子風

江南舊志

王篤烈全椒人善岐黃遇貧者濟以藥餌概不取值

全椒縣志

楊林全椒庠生善醫遇疾治之無不立效

全椒縣志

胡夢祖全椒人以醫學名世授禮部醫官施藥全活甚眾

江南舊志

志

江舟全椒人善書畫尤工剪貼喜句摹古名人真蹟剪成後著色與書寫無異乾隆二十九年

高宗純皇帝南巡恭獻冊頁蒙

恩賞緞二疋舟嘗著有句研翦揭蕩貼六字訣曰藝圃碎金錄今所傳

惟醉翁亭記前後赤壁天馬賦及枯木寒鴉蘭竹九獅圖藏諸

賞鑒家

全椒縣志

江名世全椒諸生工書年八十餘猶日臨聖教序得者珍之壽九十四同邑金竹書武生書法顏魯公晚年喪明猶能作擘窠大字見者不知其盲於視也

全椒縣志

魯神仙全椒人佚其名初業醫技平平一日遇異人就之診視曰時醫也徑去自是診人輒驗雖常藥往往有奇效名由是著同邑石照遠不以醫名而喜蓄方藥治人輒效不取值又多識

藥品雖盛夏爲人採藥無難色人尤重之

全椒縣志

童熊瑞全椒人乾隆戊子舉人精於醫活人甚眾後官富民知縣同邑吳巒嘉慶庚申舉人善治痘又有張伯符王恆山者亦工醫治奇疾尤效

全椒縣志

郭璟燕字紫超全椒附貢博學工詩善八分山水尤喜畫梅每作必有題咏故又號賦梅弟瑞嘉精堪輿善蘭竹同邑以書畫

稱者晉志仁金星明善人物曹洪葉慶蓉善花卉翎毛江沛蒼
善山水諸生俞琦吳培因善行楷程光禱善八分工篆刻

全椒縣志

舊志

以上

和州

晉陳訓字道元歷陽人少好祕學天文算數陰陽占候無不畢
綜尤善風角孫皓以爲奉禁都尉錢塘湖開或言天下當太平
皓以問訓訓辭不知退而告人曰非吉祥也吳亡入晉拜諫議
大夫去職還鄉知陳宏必敗周亢必貴甘卓必以兵死王導後
必壽貴子孫當興於江東皆如其所言卒年八十餘

晉書本傳

明王志閔含山人永樂閒居寶臺觀善以符咒驅召嘗與一道
士分壇禱雨其人雖致雨而微志閔繼之雨遂大注田疇霑足

民皆歡呼

和州志

錢國楨含山人善符咒凡祈禳無不應年八十餘行步如飛卒

後三年有鄰人見之於仙踪鎮

和州志
以上舊志

姚樹勳字竹農和州人父嘯岑以書畫名尤工詩勳得其傳通

經史兼習書畫晚年山水尤精妙書得顏褚筆意

和州志
以下新修

常調元和州人幼讀方書用藥出人意表醫黃瘦嘔吐證用小

蛇一條髮數莖置水盆中令病者注視復與吐劑嘔吐小蟲如蛇

狀而愈鄉人鬪毆竹筴斷刺股不得出痛欲死與排膿方飲之

血融而竹出時含山有余風子者人號爲醫仙和州人遂稱調

元醫神

和州志

廣德州

宋洪德風廣德人精天文州有汪九成者造宅犯太歲當月暴

病至夏漸重德風爲之修報此方病除無恙

廣德州志引魏清
江宅譜三書修方

却病門

國朝巫山字雲岫廣德庠生治岐黃後師喻嘉言術愈精家故饒富每以參連濟人不求償報遂中落三子皆庠生亦知醫

廣德州志

潘仍桂字我生建平諸生能詩書畫蘭嘗以無妄繫廉使獄曰以畫蘭白嫉獄吏售之大獲其利後得釋藝愈精人皆寶之其妾亦善蘭非巨眼不能辨

廣德州志

洪遠侯廣德人精幼科活人甚眾

廣德州志

沈之驥字白存廣德人精幼科療治如神子諒能世其業求治者盈門未嘗計利諒子廷銓以孝稱亦知醫鄉里皆化其德

廣德州志

州志

張永清字應朝廣德庠生性孝友與弟履侯析產兄弟交相推讓家固饒推解不吝精醫術嘗施藥以濟貧者歿已踰年建平

有某積疾不痊遇一老人授之丹藥詢其姓氏里居老人告之
後疾愈來訪則張門前一土地廟耳里人神之更廟其規謂之

張廟

廣德州志
以上舊志

六安州

明李玉字成章六安衛千戶善騎射尤精醫藥鍼灸舒有病頭
痛者震霆不聞玉曰此蟲食腦合藥吹鼻蟲悉從眼耳鼻口中
出合肥有跛人玉鍼之立起浙有病痿者玉考其所服藥不誤
乃熬藥兩桶令病者坐其中洗之大汗而愈前蓋病重而劑輕
也一婦有妊嘔血幾死玉診之曰子癩也依方治之加竹瀝而
愈人號曰李神鍼

江南通志
六安州志

聶寵字榮之六安人其先自南昌徙善太素法貧者不能得藥
輒施與之愈不責報性孝友事叔如父喜施與重然諾嘗收養

鄰家孤女嫁之人稱高義

江南通志

陳崇仁字守恆六安衛千戶精於醫診脈能悉病源治無不驗

活人無算

六安州志

喻仁喻傑六安人兄弟皆以醫聞著有療馬集四卷附錄一卷

爲醫駝之方

四庫全書存目

周鼎字玉鉉六安人善寫真客左良玉幕中嘗繪出師圖人馬器仗旌旗壁壘鏡吹鈺鼓鎧袍盾櫓車牛驢駝輜重之類備極精工累紙十餘丈彩攢錦簇復饒疏落之致左極賞之

六安州志

國朝周勳字東侯六安人奔國手著有弈悟

六安州志

俞士傑字又良六安人性孝友精於醫以濟人爲心不責報貧

者多賴以痊活子璜世其業

六安州志

涂乾吾六安人隱居龍門山性嗜茶恆苦製者傷其性親爲劑

量迴異常品六霍之閒充庭實者率冒其名涂後戒子孫弗習

其法遂絕

六安州志
以上舊志

朱昇伍字繩武六安人精醫有貧婦難產死四日昇出葬昇伍
遇諸途見棺底流血謂其夫可開棺鍼之必不死如言果無恙
子弟欲師其術不肯授曰庸醫殺人甚於刀刃不可不慎所著

書數十卷悉焚之

六安州志
以下新修

余道翁字泰瞻霍山人善摹名人字畫如出一手

高宗純皇帝召試欽蒙

宸賞

霍山
縣志

泗州

魏馬鈞盱眙人明帝時官給事中有技巧造指南車今邑治臺
子山上有馬給事祠

盱眙
縣志

唐常伯熊泗州人因陸羽茶經復廣其論龍團雀舌妙天下泗州志

宗震泗州人善丹青畫慧日院壁

名畫記

宋楊介字吉老盱眙人善醫著傷寒論脈訣行世徽宗嘗苦脾疾國醫進藥不效介言飲水太過以米煎理中湯服之遂愈江

南志

明施雨泗州人客遊梁宋書畫諸藝皆知名同州楊復一善翎

毛花卉子燦世其業精通琴理

泗州志

鄭信盱眙人樵於山中遇二老對弈侍立良久遂受其教明日

詣之不復見矣自是以弈名天下卒年九十餘

盱眙志

徐安字古瀛盱眙人博學多技能尤長算數所著有算法三卷

江南通志

周邦畿盱眙人業醫所投輒效

盱眙縣志

張大機字國治天長人世業醫至大機而益著其治以調養元氣爲主薦紳間甚重之至四世孫振聲字君奕尤精幼科所投

輒效

天長縣志

董宗憲字章夫天長人父然業醫宗憲尤精其切脈有會心之妙能決人壽天生死傷寒一遵河閒法而大暢其旨活人無算

天長縣志

沈桐天長人精醫萬曆癸卯淮南大疫部院移文施藥桐所至全活無算御授冠帶同邑王道行工外科趙英甫善幼科庠生張懋勳精女科又有方文炳方遵鼎者並以醫名

天長縣志

陳所學盱眙人善畫小景尤善墨菊同邑何其介亦工畫年八

十猶染翰不輟

盱眙縣志

國朝黃士爽字西山泗州庠生善墨竹子一峯承其家學並有湖

州筆意

泗州志
以上舊志

李叔廉字星泉盱眙廩生通經史精象緯學減豐三年夜覽星
象時粵逆踞金陵云須十年克復又云盱眙有百四十里血劫
後九年擒匪陷城其言皆驗

盱眙縣志
新修